

楚

寶

楚寶卷四

明、梁谿高世泰彙旂父鑒定

湘潭後學周聖楷輯纂

第 侯較訂

名臣

尹吉甫

尹吉甫周宣王內史也楚房縣人初宣王卽位勵精中興乃命吉甫帥師北伐玁狁有功而歸詩人爲賦六月之章以叙其事厥後宣王自將伐淮夷命吉甫

策命程伯休父爲司馬中伯封謝仲山甫城齊吉甫  
咸作詩以贈送之

聖楷曰嘗考周官內史之職掌王八柄掌書王命  
以詔王聽治漢唐宋相沿所謂中書令是也百官  
之本國家樞機非有庸勳超格才量清遠者未易  
授也吉甫或自北伐之後擢居是職亦允稱賢明  
之選矣然吉甫贈仲山甫詩舉其職曰式是百辟  
王躬是保又曰出納王命王之喉舌賦政於外四  
方爰發豈亦以冢宰而兼爲內史乎宣王官人固

其家法後代有宰相兼領中書令或加中書令者皆得此意而朱子謂仲山甫以冢宰兼太保似未確

### 房縣考

按房縣卽古房子國其地有房山四面石室如房故名舜封堯子丹朱于房戰國屬楚地秦漢爲房陵縣屬漢中魏唐爲房州中宗以廬陵王被廢居房州今有廬陵城焉地志誤作四川瀘州人及山西汾州有尹吉甫墓皆誤也又按房縣有湯泉在

縣東十里宋洪邁夷堅志泉中產硃砂有粉水在  
縣東北五十里源出房山經穀城入漢江雍州記  
蕭何夫人於此漬粉鮮潔異于諸水俗呼粉漬江  
又房州圖經云西連九室窮若曲房南柵建鼓以  
望勾將是亦一形勝之區也

文之無畏

文之無畏字子舟楚穆王九年會陳侯鄭伯蔡侯以  
伐宋宋華御事曰楚欲弱我也先爲之弱乎何必使  
誘我我實不能民何罪乃逆楚子勞且聽命遂道以  
田孟諸宋公爲右孟鄭伯爲左孟期思公復遂爲右  
司馬子朱及文之無畏爲左司馬命夙駕載燧宋公  
違命無畏扶其僕以徇或謂子舟曰國君不可戮也  
子舟曰當官而行何彊之有詩曰剛亦不吐柔亦不  
茹毋縱詭隨以謹罔極是亦非辟彊也敢愛死以亂

官乎莊王十九年楚子使申舟聘于齊國無假道于  
宋亦使公子馮聘于晉不假道于鄭申舟以孟諸之  
役惡宋曰鄭昭宋孽晉使不害我則必死王曰殺女  
我伐之見犀而行及宋宋人止之華元曰過我而不  
假道鄙我也鄙我亡也殺其僕若必伐我我亦亡  
也亡一也乃殺之楚子聞之授袂而起屨及於室皇  
劍及於寢門之外車及於蒲胥之市秋九月楚子聞  
宋宋人使樂嬰齊告急於晉晉侯欲救之伯宗曰不  
可古人有言曰雖鞭之長不及馬腹天方授楚未可

與爭雖晉之強能違天乎使解揚如宋使無降楚曰  
晉師悉起將至矣鄭人囚而獻諸楚楚子厚賂之使  
反其言不許三而許之登諸樓車使呼宋人而告之  
遂致其君命楚子將殺之使與之言曰爾既許不殺  
而反之何故非我無信汝則棄之速卽爾刑對曰臣  
聞之君能制命爲義臣能承命爲信信載義而行之  
爲利謀不失利以衛社稷民之主也義無二信信無  
二命君之賂臣不知命也受命以出有死無責又可  
賂乎臣之許君以成命也死而成命臣之祿也寡君



有信臣下臣獲考死又何求楚子舍之以歸夏五月  
楚師將去宋申犀稽首於王之馬前曰寡臣知死而  
不敢廢王命主棄言焉王不能答申叔時僕曰築室  
反耕者宋必聽命從之宋人懼使華元夜入楚師登  
子反之牀起之曰寡君使元以病告曰敝邑易子而  
食析骸以爨雖然城下之盟有以國斃不能從也去  
我三十里唯命是聽子反懼與之盟而告王王退三十  
里宋及楚平華元爲質盟曰我無爾詐爾無我虞  
劉向說苑曰解揚字子虎霍人莊王赦而歸之晉

爵之爲上卿故世言霍虎

聖楷曰申舟爲宋孟諸之役不廢王命以死莊王亦不自棄其言故伐宋君臣之間信義儼然却又生出解揚致命一事皆可爲後世人臣死封疆者法也子反夜爲華元所刼懼而吐實使敵人知備專命辱國罪莫大焉而公羊穀梁俱取而大之何也且左氏云華元夜入楚師登子反之牀而起之此是後世劍客之術如楚偷之類故子反懼而與之盟公羊乃謂子反乘堙而闚宋城又謂子反對

莊王曰、君請處此、臣請歸爾、云云、傲慢悖理、豈對君父之言乎、當從左爲是、

### 孟諸考

孟諸乃九薺之一、爾雅云、十薺、宋有孟諸、在梁國睢陽縣東北、今河南歸德府虞城縣是也、又風俗通謂漢有九州之薺、青州曰孟諸、不知在何處、豈宋之考耶、高達夫封丘縣詩云、我本漁樵孟諸野、蓬夫滄洲人、而云然者、少時客梁宋間故也、此亦是一證、

公子午

公子午字子庚楚康王二年代子囊爲令尹五年鄭  
子孔欲去諸大夫將叛晉而起楚師以去之使告子  
庚子庚弗許楚子聞之使楊豚尹室告子庚曰國人  
謂不穀主社稷而不出師死不從禮不穀卽位於今  
五年師徒不出入其以不穀爲自逸而忘先君之業  
矣大夫圖之其若之何子庚歎曰君王其謂午懷安  
乎吾以利社稷也見使者稽首而對曰諸侯方睦於  
晉固請嘗之若可君而繼之不可收師而退可以無

楚寶

八

害、君、亦、無、辱、子、庚、帥、師、治、兵、於、汾、於、是、子、蟠、伯、有、子、  
張、從、鄭、伯、伐、齊、子、孔、子、幾、子、西、守、二、子、知、子、孔、之、謀、  
完、守、入、保、子、孔、不、敢、會、楚、師、楚、師、伐、鄭、次、於、魚、陵、右、  
師、城、上、棘、遂、涉、賴、次、於、旃、然、為、子、馮、公、子、格、帥、銳、師、  
侵、費、滑、齊、靡、獻、于、雍、梁、右、回、梅、山、侵、鄭、東、北、至、於、蟲、  
牢、而、反、子、庚、門、於、純、門、信、於、城、下、而、還、涉、於、魚、齒、之、  
下、甚、雨、及、之、楚、師、多、凍、役、徒、幾、盡、晉、人、聞、有、楚、師、師、  
曠、曰、不、害、吾、驟、歌、北、風、又、歌、南、風、南、風、不、競、多、死、聲、  
楚、必、無、功、董、叔、曰、天、道、多、在、西、北、南、師、不、時、必、無、功、

叔向曰、在其君之德也。八年、子庚卒、以公子追舒爲令尹。

聖楷曰、鄭子孔欲去諸大夫、故從楚而叛晉、其師甚無名、而又不義。子庚弗許可、謂識大。乃楚康強之以出兵、卒罹東雨之咎、而應南風之奏。子庚何罪焉。叔向曰、在其君之德也。知言哉。又按左傳曰、公子午爲令尹、公子罷戎爲右尹、蔣子馮爲大司馬、公子橐師爲右司馬、公子成爲左司馬、屈到爲莫敖、公子追舒爲箴尹、屈蕩爲連尹、養由基爲

宮廡尹以靖國人君子謂楚於是乎能官人官人  
國之急也能官人則民無覲心詩曰嗟我懷人寘  
彼周行能官人也主及公侯伯子男甸采衛大夫  
各居其列所謂周行也此時卷耳詩作如此解亦  
奇太抵古人讀詩包廣而舉微非有專指如維岳  
降神生甫及申宣王詩也夫子以爲文武之德風  
夜匪懈以事一人仲山甫詩也左氏以爲孟明之  
功又如韓詩外傳所舉篇章皆此類

申無宇

申無宇仕楚爲芋尹曰芋尹無宇、霧王立、會諸侯於申、遂滅賴、遷賴於鄢、旣又欲遷許於賴、城之而還、申無宇曰、楚禍之首將在此矣、召諸侯而來、伐國而克、城竟莫校、主心不違、民其居乎、民之不處、其誰堪之、不堪、王命乃禍亂也、初、霧王之爲令尹也、爲王旌以田、無宇斷之曰、一國兩君、其誰堪之、及卽位、爲章華之宮、納亾人以實之、無宇之闢入焉、無宇執之、有司弗與、曰、執人於王宮、其罪大矣、執而謁諸王、王將飲



酒無字辭曰天子經畧諸侯正封古之制也封畧之  
內何非君土食土之毛誰非君臣故詩曰普天之下  
莫非王土率土之濱莫非王臣天有十日自王至王人有  
十等自王至王所以事上上所以共神也故王臣公公  
臣大夫大夫臣士士臣皂皂臣興興臣隸隸臣僚僚  
臣僕僕臣臺馬有圉牛有牧以待百事今有司曰女  
胡執人於王宮將焉執之周文王之法曰有亡荒閼  
有逃亡者當大蒐其衆所以得天下也吾先君文王作僕區之  
法曰盜所隱穢與盜同罪所以封汝也若從有司是

無所執逃臣也。退而舍之，是無陪臺也。王事無乃闕乎？管武王數紂之罪以告諸侯，曰：「紂爲天下逋逃王萃淵薮，故夫致死焉。」君王始求諸侯，而則紂無乃不可乎？若以二文之法取之，盜有所在矣。王曰：「取而臣以往，盜有寵，未可得也。」遂赦之。靈王十年，滅蔡，用隱太子于岡山。無字曰：「不祥。」五牲不相爲用。况用諸侯乎？王必悔之。主，城陳蔡不羹。音使公子棄疾爲蔡公，問於無字曰：「棄疾在蔡，何如？」對曰：「擇子莫如父，擇臣莫如君。」鄭莊公城櫟而寘子元焉，使昭公不立。齊桓

公城穀而實管仲焉。至于今賴之。臣聞五大不在邊。  
五細不在庭。親不在外。則無驕不在內。則無今棄疾  
在外。鄭丹在內。君其少戒。王曰。國有大城。何如。對曰。  
鄭京櫟實殺曼伯。宋蕭毫實殺子游。齊渠丘實殺  
無知。衛蒲戚實出獻公。若由是觀之。則害於國未大  
必折尾。大不掉。君所知也。後陳蔡作亂。竟如其言。無  
字。子曰。申亥。鬬公乾谿之難。王沿夏入於鄢。申亥曰。  
吾父再好王。命主弗誅。惠孰大焉。君不可忍。惠不可  
棄。吾其從王。乃求王。遇諸棘闢。以歸。王縊于申亥氏。

申亥以其二女殉而葬之

春秋外傳曰、霸王城陳蔡不羹、使僕夫子暫問於

范無宇

即卽無字

曰、吾不服諸夏而獨事晉、何也、惟晉

近我遠也、今吾城三國、賦皆千乘、亦當晉矣、又加

之以楚、諸侯其來乎、對曰、其在志也、國爲大城、未

有利者、晉鄭有京、櫟、衛有蒲、戚、宋有蕭、蒙、魯有邾、

費、齊有渠丘、晉有曲沃、秦有徵、衛叔段以京、忠、嚴、

公、鄭幾不封、櫟人實使鄭子不得其位、衛蒲戚實

出獻公、宋蕭蒙實殺昭公、魯弁費實弱襄公、齊渠

丘實殺無知晉曲沃實納齊師秦微衛實難桓景  
皆志於諸侯此其不利者也且夫制城邑若體性  
焉有首領股肱至於手拇毛脈大能掉小故變而  
不勤地有高下天有晦明民有君臣國有都鄙古  
之制也先王懼其不帥故制之以義旌之以服行  
之以禮辨之以名書之以文道之以言旣其失也  
易物之由夫邊境者國之尾也譬之如牛馬處暑  
之旣至螽蟥之旣多而不能掉其尾臣亦懼之不  
然是三城也豈不使諸侯之心惕惕焉子皙復命

王曰是知天咫安知民則是言誕也右尹子華侍  
曰民天之生也知天必知民矣是其言可以懼哉  
三年陳蔡及不羹人納棄疾而殺靈王  
聖楷曰申無字荅使棄疾爲蔡公一段文字內外  
傳俱載繁簡不同各極其妙昔人謂左氏聖于文  
信然哉因備錄之可悟作文之法

### 棄疾考

棄疾卽楚平王初共王有寵子五人無適立乃望  
祭羣神請神決之使王社稷而陰與巴姬埋璧於

太室之庭召五子齋而入康王跨之虜王肘加之  
子比子誓皆遠之平王幼抱而入再拜壓紐故康  
王以褒立至其子失之國爲虜王及身而弑子比  
爲王十餘日子誓不得立又俱誅四子皆絕無後  
唯獨棄疾後立爲平王竟續楚祀如其神符

公子申

公子申字子西。平王之庶長子也。平王薨，令尹子常欲立子西，曰：「太子壬，聊弱，其嬖非適也。」主子建實聘之。子西長而好善，立長則順，建善則治。主順國治，可不務乎？子西怒曰：「是亂國而惡君王也。國有外援，不可漬也；主有適嗣，不可亂也。敗親速讐，亂嗣不祥。我受其名賂，吾以天下滋不從也。」楚國何爲？必殺令尹，令尹懼，乃立昭王。初，吳王闔廬之弑，王僚也。公子掩餘出奔徐。公子燭庸奔鍾吾。昭王四年，吳子使徐



人執掩餘使鍾吾人執燭庸二公子奔楚昭王大封  
而定其徙使監馬尹大心逆吳公子使居養夢尹然  
左司馬沈尹戌城之取於城父與胡田以與之將以  
害吳也子西諫曰吳光新得國而親其民視民如子  
幸若同之將用之也若好吳邊疆使柔服焉猶懼其  
至吝又疆其讐以重怒之無乃不可乎吳周之曾裔  
也高乘在海濱不與姬通今而始大比於諸華光又  
甚文將自同於先王不知天將以爲雪乎使翦喪吳  
國而封大異姓乎其抑將卒以祚吳乎其終不遠矣

我盍姑億

也安

吾鬼神而寧吾族姓以待其歸將焉用

自播揚焉王弗聽吳子執鍾吳子遂伐徐防山以水

之徐子失國來奔吳謀伐楚楚於是始病十年吳師

伐楚戰於柏舉楚師大敗五戰及郢昭王奔隨子西

帥奔徒敗吳師于軍祥會秦救亦至吳師再敗吳王

乃歸明年昭王入于郢初王之奔隨也子西爲王輿

服以保路國于脾洩聞王所在而後從王昭王旣反

國以子西爲令尹子期爲司馬王謂子西曰方余奔

隨時將涉於成臼藍尹壘涉其孥不舛余舟必殺之

子西對曰子常惟思舊怨以敗君何效焉王曰善使復其所以志前惡是歲吳太子終黥敗楚舟師獲潘子臣小惟子及大夫七人楚國大惕懼亡子期又以陵師敗于繁陽子西喜曰乃今可爲矣於是遷郢於郢而改紀其政以定楚國二十二年吳師克越楚大夫又皆懼自闔廬惟能用其民以敗我於柏舉今聞其嗣文甚焉將若之何子西曰二三子恤不相睦無患吳矣晉闔廬食不二味酒不重席室不從壇壝不彫鏤宮室不觀舟車不飾衣服財用擇不敢費在國

天有留痛親巡其孤寡而共其乏困在軍熟食者分  
而後敢食其所嘗者卒乘與焉勤恤其民而與之勞  
逸○是○以○民○不○罷○勞○死○知○不○曠○吾○先○大○夫○子○常○易○之○所○  
以○敗○我○也○今○聞○夫○差○次○有○臺○榭○陂○池○焉○宿○有○妃○嬪○嬙○  
御○焉○一○日○之○行○所○欲○必○成○玩○好○必○從○珍○異○是○張○觀○樂○  
是○務○視○民○如○讐○而○用○之○日○新○夫○先○自○敗○也○已○安○能○敗○  
我○二○十○七○年○吳○伐○陳○昭○王○曰○吾○先○君○與○陳○有○盟○不○可○  
以○不○救○乃○救○陳○師○于○陳○父○自○春○至○秋○十○戰○不○吉○十○退○  
不○吉○王○曰○然○則○死○也○再○敗○楚○師○不○如○死○棄○盟○逃○讐○亦○

不如死。死一也。其死。譬乎命公子申爲王。不可則命公子結。亦不可。則命公子啓。五辭而後許。將戰。王有疾。方攻大寒。卒於城父。子開退曰。君王舍其子而讓羣臣。敢忘君乎。從君之命。順也。立君之子。亦順也。二順不可失也。與子西。子期謀。潛師閉塗。逆越女之子章而立之。是爲惠王。惠王九年。子西及子期伐吳。及桐汭。初。平王太子建見殺于鄭也。其子勝在吳。子西欲召之。蒯公諸梁曰。吾聞勝也詐而亂。無乃害乎。子西曰。吾聞勝也信而勇。不爲不利。舍諸邊竟。使衛藩。

焉。葉公曰：周仁之謂信，率義之謂勇。吾聞勝也好復言而求死士，殆有私乎？復言非信，期死非勇也。子必悔之。弗從。召之處吳，爲白公十年。勝與其徒石乞作亂，殺子西。子期于朝。

聖楷曰：楚令尹子西始而讓國昭王，爲義至高。旣而料敵制勝，安定楚國，以至報讐次第。色色可觀，其失着處惟召白公一事耳。近代小儒不曉讀書，因孔子彼哉一語，遂抹殺其賢，可笑甚也。且孔子不答或問，深意固未可測，而小儒又謂子西沮書。

社之封故孔子惡之不足採錄然則晏嬰之沮孔  
子與子西無異何獨不絕其交此皆俗論無補於  
世昔陳亮有言今世之儒士自以爲得正心誠意  
之學者皆風痺不知痛癢之人也舉一世安於君  
父之讐而方抵頭拱手以談性命不知何者謂之  
性命乎今世之才臣自以爲得富國強兵之術者  
皆狂惑以肆叫呼之人也不以暇時講究立國之  
本末而方揚眉伸氣以論富強不知何者謂之富  
強乎嗟乎予所以取公子申也

遷郢於都考

按水經注都古都予之國也秦楚之間自商密遷此爲楚附庸楚滅之以爲邑後遷都焉秦滅楚復爲縣漢惠帝三年改曰宜城韓愈有宜城驛記甚詳文楚昭王廟詩云丘園滿目衣冠盡城郭連雲草樹荒猶有國人懷舊德二間茅屋祭昭王

楚昭王考

按昭王軫平王秦女之孫也立十年而吳師入郢十一年反國二十一年救陳卒于城父是歲也有



矣如衆赤鳥夾日以飛三日楚子使問于周太史  
周太史曰其當王身乎若禳之可移于令尹司馬  
王曰除腹心之病而實諸股肱何益不穀不有大  
過天其矢諸有罪受罰又焉移之遂弗禳初昭王  
有疾卜曰河爲祟王弗祭大夫請祭諸郊王曰三  
代命祀祭不越望江漢睢漳楚之望也不穀雖不  
德河非所獲罪也遂弗祭孔子曰楚昭王知大道  
矣其不失國也宜哉

黃琬

黃琬字子琰，江夏安陸人。少失父，蚤而辯慧。祖父璜，初爲魏郡太守。建和元年正月，日食京師，不見而璜以狀聞。太后詔問所食多少，璜思其對而未知所况。琬年七歲，在傍曰：「何不言日食之餘，如月之初？」璜大驚，卽以其言應詔。而深奇愛之。後璜爲司徒，琬以公孫拜童子郎，辭病不就。知名京師。時司空盛允有疾，璜遣琬候問。會江夏上蠻賊事，副府允發書視畢，微戲琬曰：「江夏大邦而蠻多，士少。」琬奉手對曰：「蠻夷猾

夏責在司空。因拂衣辭者。尤甚奇之。稍遷五官中郎將。時陳蕃爲光祿勳。深相敬待。數與議事。舊制光祿舉三署郎。以高功久次。才德尤異者爲茂才。四行時。權富子弟。多以人事得舉。而貧約守志者。以窮退見遺。京師爲之謠曰。欲得不能。光祿茂才。於是琬辭同。心顯用志士。平原劉醇。河東朱山。蜀髡殷參等。並以才行蒙舉。琬遂爲權富郎所見。中傷事下。御史丞王暢。侍御史刁韞。韞暢素重琬。不舉其事。而左右復陷以朋黨。暢坐左轉議郎。而免。琬官琬韞俱禁錮。

題字子榮彭城人後陳蕃被徵而吉事者多訟題復  
拜議郎遷尚書在朝有鯁直臣節出爲魯東海二郡  
相性抗厲有明畧所在稱神常以法度自整家人莫  
見情容焉琬被廢奔幾二十年至光和末太尉楊賜  
上書薦琬有撥亂之才由是徵拜議郎擢爲青州刺  
史遷侍中中平初出爲右扶風徵拜將作大匠少府  
太僕文爲豫州牧時寇賊陸梁州境彫殘琬討擊平  
之威聲大震政績爲天下表封關內侯及董卓秉政  
以琬名臣徵爲司徒遷太尉更封陽泉鄉侯卓議遷

都長安。琬與司徒楊彪同諫，不從。琬退而駁議之，曰：昔周公營洛邑，以寧姬光武。卜東都，以隆漢天之所啓，神之所安。大業既定，豈宜妄有遷動，以虧四海之望？時人懼卓暴怒，琬必及害。固諫之，琬對曰：昔白公作亂於楚，屈廬背刃而前，挫桀弑君於齊。晏嬰不懼其盟，吾雖不德，誠慕古人之節。琬竟坐免。卓猶敬其名，德舊族，不敢害。後與楊彪同拜光祿大夫，及徙西都，轉司隸校尉，與司徒王允同謀誅卓。及卓將李傕、郭汜攻破長安，遂收琬殺之。時年五十二。

聖楷曰先民有言君子全身遠害惟有不仕而已  
既爲官又避禍有是理乎此子琰所以犯難而不  
顧也惜乎與王允共謀誅卓而不救蔡邕之死王  
公無後琰豈獨存君子不能無深咎焉耳

### 日食考

按戰國以後古曆廢壞漢世始推月九道然未驗  
其所行之遲速漢末都尉劉洪作乾象曆推其遲  
速又未詳其交食惟隋張胄元獨得其妙以爲日  
行黃道月行月道月道交給黃道外十三日有奇

高入經黃道謂之交朔望去交前後各十五度已  
下卽當食若月行內道在黃道之北食多有驗月  
行外道在黃道之南雖遇正交無由掩映食多不  
驗交食之法至是始精若夫臣子背君父妾婦乘  
其夫小人陵君子夷狄侵中國而日爲之食者此  
則繫乎人事之感也今桓帝建和元年正月辛亥  
朔自有食之在營室三度史官不見郡國以聞蓋  
是時梁太后攝政故天變應之

祝良

祝良字名卿

字

長沙人順帝永建中爲洛陽令時

大旱祈雨不得良乃暴身庭階告誠引罪自辰至申  
紫雲沓起甘雨大降民歌之曰天久不雨蒸民失所  
天王自出祝令特苦精符感應滂沱而下太尉龐參  
夫人疾前妻子投于井而殺之良聞之率吏卒入大  
尉府案實其事乃上參罪遂因災異策免有司以良  
不先聞奏輒折辱宰相坐繫詔獄良能得百姓心洛  
陽吏人守闕請代其罪者日有數千萬人詔乃原刑



未幾出補并州刺史。永和二年，日南徼外蠻夷區憐等數千人攻象林縣，燒城寺，殺長吏。交趾刺史樊演發交趾九真二羗兵二萬餘人救之。兵士憚遠役，遂反攻其府。二羗雖擊破反者，而賊勢轉盛。帝召公卿百官及四府掾屬，問以方畧。李固建議，謂宜更選有勇畧仁惠任將帥者，以爲刺史。太守因舉故并州刺史長沙祝良，性多勇決。又南陽張喬前在益州，有破虜之功，皆可任用。四府悉從固議，卽拜良爲九真太守，喬爲交趾刺史。喬至關，示慰誘，並皆降散。良到九

眞單車入賊中設方罍招以威信降者數萬人皆爲  
良蔡起府寺由是嶺外復平

聖楷按祝良本長沙人楚紀與湖廣總志俱作長  
沙湘鄉人大誤兩漢時湘鄉屬零陵罷漢書何得  
云長沙也一統志作臨湘人是又按謝承後漢書  
曰長沙祝良聰明博學以廉平見稱爲洛陽令常  
侍樊豐妻殺侍婢置井中良收其妻殺之此事與  
罷參妻絕相類一殺子一殺婢良皆收治悍婦之  
風其稍息乎

鄭產

鄭產字景載，泉陵人也。爲白土嗇夫。漢末多事，國用不足。產子一歲，輒出口錢。民多不舉子。產乃勅民勿得殺子。口錢當自代出。產因言於氾縣，爲表上言。錢得除。於是更名白土爲更生鄉。

聖楷曰：禁殺子如之憐，近日當事亦有動念及此者。然皆榜示虛文，未嘗實實以救人爲已事。如先賢鄭公之所爲也。大抵溺殺子如有二端：其一家貧不能養活，其一母苦不樂多子。尤惡生女。以此

習爲殘忍。不自知。非倘爲上者。旣多方以勸悟之。  
復嚴法制以禁其母。厚生殖以周其窳民。卽無良。  
寧忍故殺其子。如哉。程子云。士苟存心愛物。卽一。  
介之士。亦必有所濟。吾故於鄭公贊歎之矣。復載。  
記。管人所行。輒效者。數則于後。使有所觀感而惻。  
然也。

蘇文忠公與朱鄂州書曰。昨王殿直天麟見過。言。  
岳鄂間田野小人。例只養二男一女。過此輒殺之。  
尤諱養女。初生輒以冷水浸殺其父母。亦不忍率。

常閉目背面以手按之水盆中。咿嚶良久乃死。有神山鄉百姓石揆者。連殺兩子。去歲夏中。其妻一產四子。楚毒不可堪。忍母子皆斃。報應如此。而愚人不。知。剎。艾。天。麟。每。聞。其。側。近。有。此。輒。馳。救。之。量。與。衣。服。飲。食。全。活。者。非。一。又。鄂。人。有。秦。光。亨。者。今。已。及。第。爲。安。州。司。法。方。其。在。胡。也。其。舅。陳。遵。夢。一。小。兒。援。其。衣。若。有。所。訴。比。兩。夕。輒。見。之。其。狀。甚。急。迎。獨。念。其。妹。有。娠。將。產。而。意。不。樂。多。子。豈。其。應。是。乎。馳。往。省。之。則。已。在。水。盆。中。矣。救。之。得。免。往。律。故。

殺子孫徒二年此長吏所得按舉願公明以告諸  
邑令佐使召諸保正告以法律諭以禍福約以必  
行且立賞召人告官賞錢以犯人及隣保家財充  
若依律行遣數人此風便革公更使令佐各以至  
意誘諭地主豪戶若實貧甚不能舉子者薄有以  
賙之人非木石亦必樂從但得初生數日不殺後  
雖勸之使殺亦不肯矣自今以往緣公而得活者  
豈可勝計哉佛言殺生之罪以殺胎卵爲最重六  
畜猶爾而況於人昔王濬爲巴郡太守巴人生子

皆不舉濬嚴其科條寬其徭役所活數千人及後  
伐吳所活者皆堪爲兵其父母戒之曰王有君生  
汝汝必死之古之循吏如此類者非一人特未知  
耳恃深契故不自外

厚德錄曰先是浙民歲輸身丁錢絹細民生子卽  
棄之稍長卽殺之虞公允文聞之惻然訪知江渚  
有荻場其利甚博而爲世家及浮屠所私公令有  
司籍其數以聞請以代輸民之身丁錢絹以緡計  
者至一千三萬七千有奇以足計者一十六萬三

楚寶

千有奇免之符下目九州之民歡呼鼓舞始知有  
父子生聚之樂此事與鄭公相類而設處之法  
更巧居尊位者當以爲法



董和

董和字幼宰南郡枝江人也其先本巴郡江州人漢末和率宗族西遷益州牧劉璋以爲牛鞞江原長成都令蜀土富實時俗奢侈貨殖之家侯服玉食婚姻塋送傾家竭產和躬率以儉惡衣蔬食防遏踰僭爲之軌制所在皆移風變善畏而不犯然縣界豪彊憚和嚴法說璋轉和爲巴東屬國都尉吏民老弱相携乞留和者數千人璋聽留二年遷還益州太守其清約如前與蠻夷從事務從誠心南土愛而信之先主

定蜀徵和爲掌軍中郎將與軍師將軍諸葛亮並署  
左將軍大司馬府事獻可替否共爲交歡自和居官  
食祿外牧殊域內幹機衡二十餘年死之日家無儋  
石之財亮後爲丞相教與羣下曰夫參署者集衆思  
廣忠益也若遠小嫌難相違覆曠闕損矣違覆而得  
中猶棄弊躋而獲珠玉然人心苦不能盡惟徐元直  
處茲不惑又董幼宰參署七年事有不至至於十反  
來相啓告苟能慕元直之十一幼宰之慙勤有忠於  
國則亮可少過矣又曰昔初交州平屢聞得失後交

元直勤見啓謨而參事於幼宰每言則盡後從事於  
偉度數有諫止雖姿性鄙暗不能悉納然與此四子  
終始好合亦足以明其不疑於直言也其追思和如  
此

蜀書曰諸葛亮躬耕隴畝好爲梁父吟身長八尺  
每自比於管仲樂毅時人莫之許也惟博陵崔州  
平穎川徐庶元直與亮友善謂爲信然水經注  
曰沔水文東過襄陽縣北與檀谿水合谿之陽有  
徐元直崔州平故宅故習鑿齒與謝安書云每省

家○身○縱○目○檀○谿○念○崔○徐○之○友○未○嘗○不○撫○膺○躊○躇○悵○終○日○矣○

三○國○志○注○曰○備○度○者○姓○胡○名○濟○義○陽○人○爲○亮○主○簿○有○忠○盡○之○效○故○見○褒○述○仕○至○兖○州○刺○史○右○驃○騎○將○軍○

羅憲

羅憲字令則、襄陽人也。父蒙、蜀廣漢太守。憲年十三、能屬文、蚤知名。師事譙周。周門人稱爲子貢。性方亮、嚴整、待士無倦、輕財好施、不營產業。仕蜀爲太子舍人、宣信校尉。再使於吳。吳人稱焉。時黃皓預政、衆多附之。憲獨介然、皓恚之。左遷巴東太守。時太將軍闓、字都督巴東、拜憲領軍、爲字副貳。魏之伐蜀、召字西還、憲守永安城。及成都敗、城中擾動。邊江長吏皆棄城走。憲斬亂者一人。百姓乃安。知劉禪降、乃率所統

臨于都亭三日。吳聞蜀敗，遣將軍盛憲西上，外託救  
援，內欲襲憲。憲曰：「本朝傾覆，吳爲唇齒，不恤我難而  
邀其利，吾寧當爲降虜乎？」乃歸順。於是繕甲完張，厲  
以節義，士皆用命。及鍾會、鄧艾卒，百城無主，吳又使  
步協西征，憲大破其軍。孫休怒，又遣陸抗助協。憲拒  
守經年，救援不至，城中疾疫大半。或勸南出，犇犍北  
奔上庸，可以保全。憲曰：「夫爲人主，百姓所仰，旣不能  
存，急而棄之，君子不爲也。」畢命於此矣。會荊州刺史  
胡烈等救之，抗退，加陵江將軍。監巴東軍事，使持節。

領武陵太守。泰始初入朝，詔曰：「憲忠烈果毅，有才策。」  
罷幹，可給鼓吹。又賜山玄玉佩劍。泰始六年卒，追封  
西鄂侯，謚曰烈。初，憲侍譙華林園，詔問蜀大臣子弟  
後問先輩。宣時叙用者，憲薦蜀人常忌杜軫等皆西  
國之良器。武帝並召而任之。

聖楷曰：羅憲初師事譙周，及蜀歸順，侍譙華林，論  
薦蜀才，獨不舉其師者，豈亦惡其建策降魏而鄙  
薄之耶？今觀憲守永安孤城，繕甲完聚，距戰經年，  
卒保無虞，其謀畧亦足奇矣。使後主毅然不納譙

周之言。君固固守背城。借一猶有生氣。卽不然退。  
次東鄙。以思後圖。蜀未始無人也。蓋是時憲以重。  
兵據白帝。霍弋以強卒鎮夜郎。蜀土險狹。山水峻。  
隔絕。巖激湍。非步卒所涉。若悉取舟楫。保據江州。  
徵兵南中。乞師東國。如此則姜廖五將自然雲從。  
吳之二師承命。電赴何投。寄之無所。而慮於必亡。  
耶惜哉。一夫誤計。漢業遽斬。此北地王誡所以痛。  
哭於昭烈之廟也。



李重

李重字茂曾江夏鍾武人也父景王隱書作翬秦州刺史都亭定侯重少好學有文辭蚤孤與羣弟居以友愛著稱弱冠爲本國中正遜讓不行後爲始平王文學上疏陳九品曰先王議制以時因革因革之理唯變所適九品始於喪亂軍中之政誠非經國不刊之法也且其檢防轉碎徵刑失實故朝野之論僉謂驅動風俗爲弊已甚而至于議改又以爲疑臣以革法創制當先盡開塞利害之理舉而措之使體例大通而

無吝。滯亦未易故也。古者諸侯之治分土有常國有  
定。至人無異望。卿大夫世祿仕無出位之思。臣無越  
境之交。上下體固。人德歸厚。秦及斯道。罷侯置守。風  
俗淺薄。自此來矣。漢革其弊。斟酌周秦。並建侯守。亦  
使分土有定。而牧司必各舉賢。貢士任之。鄉議事合  
聖典。比蹤三代。方今聖德之隆。光被四表。兆庶頤頤  
欣覩。太平。然承魏氏彫敝之跡。人物播越。仕無常朝。  
人無定處。郎吏蓄于軍府。豪右聚于都邑。事體駁錯。  
與古不同。謂九品既除。空先開移徙。聽和并就。且明

貢舉之法不濫于境外則冠帶之倫將不分而自均  
卽土斷之實行矣又建櫺官司功在簡久階級少則  
人心定久其事則政化成而能否著在三代所以直  
道而行也以爲選例九等當今之要所宜施用也聖  
王知天下之難常從事於其易故寄驥括於間伍則  
邑屋皆爲有司若任非所由事非所覈則雖竭聖智  
猶不足以贍其事由此而觀誠令二者旣行卽人思  
反本修之於鄉譁競自息而禮讓日隆矣遷太子舍  
入轉尙書郎駁制奴婢限數及貶秩居官等奏文多

不載太熙初遷廷尉平又駁廷尉所奏再遷中書郎  
每大事及疑議輒參以經典處決多皆施行遷尚書  
吏部郎務抑華競不通私謁特留心隱逸由是羣才  
畢舉拔用北海西郭湯琅邪劉珩燕國霍原馮翊吉  
謝等爲秘書郎及諸王文學故海內莫不歸心時燕  
國中正劉沉舉霍原爲寒素司徒府不從沉又抗詣  
中書奏原高中書復下司徒參論司徒左長史荀組  
以爲寒素者當謂門寒身素無世祚之資原爲列侯  
顯佩金紫先爲人間流通之事晚乃務學少長異業

年踰始立。草野之譽未洽。德禮無聞。不應寒素之目。  
重奏曰。案如癸酉詔書。廉讓宜崇。淳競宜黜。其有履  
謙寒素。靖恭求已者。應有以先之。如詔書之旨。以二  
品繫資。或失廉退之士。故開寒素。以明尚德之舉。司  
徒總御人倫。實掌邦教。當務峻隼。評以一風流。然古  
之厲行高尚之士。或棲身巖穴。或隱跡丘園。或克己  
復禮。或耄期稱道。出處語嘿。唯義所在。未可以少長  
異操。疑其所守之美。而遠同終始之實。非所謂擬人  
必於其倫之義也。誠當考之於邦黨之倫。審之於任

舉之至沉爲中正親執銓衡陳原隱居求志篤古好  
學學不爲利行不要名絕跡窮山藴韜道藝外無希  
世之容內全遜逸之節行成名立縉紳慕之委質受  
業者千里而應有孫孟之風嚴鄭之操始舉原先諮  
侍中領中書監華前州大中正後將軍襲河南尹軼  
去三年諸州還朝幽州刺史許猛特以原名聞擬之  
西河求加徵聘如沉所列州黨之議既舉又刺史班  
詔表薦如此而猶謂草野之譽未洽德禮無聞舍所  
徵檢之實而無明理正辭以奪沉所執且應二品非

所求備、但原定志、窮山修述、儒道義在、可嘉若遂抑  
替將負、幽邦之望、傷敦德之教、如詔書所求之旨、應  
爲二品、詔從之、重與李毅同爲吏部郎、時王戎爲尙  
書、重以清尙見稱、毅淹通有智識、雖二人操異、然俱  
處要職、戎以識會待之、各得其所、毅字茂彥、舊史闕  
其行事、于時內官重、外官輕、兼階級繁、多重議之、見  
百官志、又上疏曰、凡山林避寵之士、雖違世、背時、出  
處殊軌、而先王許之者、嘉其服膺高義也、晉先帝患  
風流之弊、而思反純樸、乃諮詢朝衆、搜求隱逸、咸寧

二年始以太子中庶子徵安定皇甫謐四年又以博士徵安南朱沖太康元年復以太子庶子徵沖雖皆以病疾不至而朝野悅服陛下遠邁先帝禮賢之旨因訪沖州邑言其雖年近耄老而志氣克壯耽道窮獲老而彌新操尚貞純所居成化誠山棲耆德足以表世篤俗者也因以爲宜垂聖恩及其未沒顯加優命時朝廷政亂竟不能從出爲行討虜護軍平陽太守崇德化修學校表篤行拔賢能清簡無欲正身率下在職三年彈黜四縣窮嶷亾表去官永康初趙王



倫用爲相國左司馬以憂逼成疾而卒時年四十八家貧宅宇狹小無殯歛之地詔於典客署營喪追贈散騎常侍謚曰成子式有美名官至侍中

晉諸公贊曰重以清尚稱相國趙王倫以重望取爲右司馬重以倫將爲亂辭疾不就倫逼之不已重遂不復自活至於困篤扶曳受拜數日卒重二弟尚字茂仲矩字茂約永嘉中並典魏矩至江州刺史世說新語曰謝公與時賢共賞說過胡兒並在坐公問李弘度曰卿家平陽何如樂令於是

李潛然流涕曰趙王篡逆樂令親授璽綬臣伯雅  
正恥處亂朝遂至仰藥難以相比此自顯於事實  
非私親之言

### 九品考

按魏文帝時三方鼎立士流播遷四民雜處詳覈  
無所尚書陳羣乃立九品官人之法州郡縣俱置  
大小中正各取本處人在諸府公卿及臺省郎吏  
有德充才盛者爲之區別所管人物定爲九等其  
有言行修著則升進之或以五升四以六升五倘

或道義虧喪則降下之或自五退六自六退七矣  
是以吏部不能審定覈天下人才士庶故委中正  
銓第等級焉之授受謂免乖失及法弊也唯能知  
其閭閻非復辨其賢愚所以劉毅云下品無高門  
上品無寒士南朝至於梁陳北朝至于周隋選舉  
之法雖互相損益而九品及中正至開皇中方罷

車胤

車胤字武子，南平人也。今禮會祖浚，吳會稽太守。父  
商，魏主簿、太守王胡之。名知人，見胤於童幼之中，謂  
胤父曰：「此兒當大興卿門，可使專學。」胤恭勤不倦，博  
學多通。家貧，不常得油。夏月，則練囊盛數十螢火，以  
照書，以夜繼日焉。及長，風姿美劭，機悟敏速，甚有鄉  
曲之譽。桓溫在荊州，辟爲從事，以辯識義理深重之。  
引爲主簿，稍遷別駕。征西長史，遂顯於朝廷。時惟胤  
與吳隱之以寒素博學知名於世。又善於賞會，當時

每有盛坐高。儼不在。皆云。無車公。不樂。謝公游集之。  
日輒開筵待之。靈康初。以儼爲中書侍郎。關內侯孝。  
武帝嘗講孝經。僕射謝安侍坐。尙書陸納侍講。侍中。  
卞耽執讀。黃門侍郎謝石。吏部郎袁宏。執經。儼與丹。  
陽尹玉。混。摘句時論。榮之。累遷侍中。太元中。增置太。  
學生百人。以儼領國子博士。其後年議郊廟明堂之。  
事。創以堂明之制。旣甚難詳。且樂主於和。禮主於敬。  
故質文不同。音器亦殊。旣茅茨廣廈。不一其度。何必。  
守其形範。而不弘本順時乎。九服咸寧。四野無塵。然。

後明堂確雍可光而修之時從其議又遷驃騎長史太常進爵臨湘侯以疾去職俄爲護軍將軍時王國寶諂於會稽王道子諷八坐啓以道子爲丞相加殊禮亂曰此乃成王所以尊周公也今主上當陽升成王之地相王在位豈得爲周公乎望實二三並不宜爾必大忤上意乃稱疾不署其事疏奏帝大怒而甚嘉亂隆安初遷吏部尙書元顯有過亂與江續密言於道子將奏之事泄元顯逼令自殺俄而亂卒朝廷傷之

聖○惜○曰○元○顯○道○子○之○愛○子○也○安○有○欲○誅○人○愛○子○而○  
密○言○之○於○父○乎○且○元○顯○少○年○兒○銳○邪○黨○傾○附○道○子○  
耽○荒○麴○藥○信○惑○讒○說○而○武○子○自○蹈○危○機○寧○有○生○理○  
哉○至○黜○國○寶○之○姦○不○署○殊○禮○之○奏○卓○然○可○與○事○君○  
矣○

龔螢考

按今澧州車渚市有龔螢臺卽武子少讀書龔螢處也又其墓在州東三十里新城鎮今建書院

孟嘉

孟嘉字萬年江夏鄢人也。曾祖父宗以孝行稱仕吳司馬。祖父揖元康中爲廬陵太守。宗葬武昌陽新縣子孫家焉。遂爲縣人也。嘉少失父。奉母二弟居喪大司馬長沙桓公陶侃第十女。閨門孝友。人無能間。鄉閭稱之。中默有遠量。弱冠。儔類咸敬之。同羣郭遜以清操知名。時在嘉右。常歎嘉溫雅平曠。自以爲不及。遜從弟立亦有才志。與嘉同時齊譽。每推服焉。由是名冠州里。聲流京邑。太尉潁川庾亮以帝舅民望受



分陝之重鎮武昌并領江州辟嘉部廬陵從事下罷  
還亮引見問風俗得失對曰嘉不知還傳常問從吏  
亮以塵尾掩口而笑諸從事既去喚弟翼語之曰孟  
嘉故是盛德人也嘉既辭出外自除吏便步歸家母  
在堂兄躬共相歡樂怡怡如也旬有餘日更版爲勸  
學從事時亮崇修學校高選儒官以嘉望寔故應尚  
德之舉大傅河南褚褒簡穆有器識時爲豫章太守  
出朝宗亮正旦大會州府人士率多時嘉在坐次  
甚遠褒問亮江州有孟嘉其人何在亮云在坐卿但

自覓褒歷觀遂指嘉謂亮曰將無是耶亮欣然而笑  
喜褒之得嘉奇嘉爲褒之所得乃益寵焉舉秀才又  
爲安西將軍庾翼府功曹再爲江州別駕巴丘令征  
西大將軍譙國桓溫叅軍嘉色和而正溫甚重之九  
月九日溫遊龍山叅佐畢集四第二甥咸在坐時佐  
吏並著戎服有風吹嘉帽墮落溫目左右及賓客勿  
言以觀其舉止嘉初不自覺良久如廁溫命取以還  
之廷尉太原孫盛爲諮議叅軍時在坐溫命紙筆令  
嘲之文成示溫溫以著坐處嘉歸見嘲笑而請筆作

答了不容思文辭超卓四座歎之奉使京師除尚書  
刪定郎不拜孝宗穆皇帝聞其名賜見東堂嘉辭以  
脚疾不任拜起詔使人扶入嘉嘗爲刺史謝永別駕  
永會稽人喪亡嘉求赴義路由永興高陽許詢有雋  
才辭榮不仕每縱心獨往客居縣界嘗乘船近行適  
逢嘉過歎曰都邑美士吾盡識之獨不識此人唯聞  
中州有孟嘉者將非是乎然亦何由來此使問嘉之  
從者嘉謂其使曰本心相遇今先赴義尋還就君及  
歸遂止信宿雅相知得有若舊交還至轉從事中郎

俄遷長史在朝。賸然仗正順而已。門無雜賓。嘗會神  
情。獨得便超。然命駕還之龍山。顧景酣宴。迨夕乃歸。  
溫從容謂嘉曰。人不可無勢。我乃能駕御卿。後以疾  
終於家。年五十一。嘉行不苟合。言無夸矜。未嘗有喜  
愠之容。好酣飲。逾多不亂。至於任懷得意。融然違寄。  
傍若無人。溫嘗問嘉酒有何好。而卿嗜之。嘉笑而答  
曰。明公但不得酒中趣。爾又問聽妓絲不如竹。竹不  
如肉。答曰。漸近自然中散大夫桂陽羅含賦之曰。孟  
生善酣。不愆其意。

蘇軾史評曰晉士浮虛無實用然其間亦有不然者如孟嘉平生無一事然桓溫謂嘉曰人不可以無勢我乃能駕馭卿桓溫平生輕殷浩豈安許人者哉乃知孟嘉若遇當作謝安謝安不遇不過如孟嘉也

聖楷曰晉書附沈充于王敦傳後此逆黨理應附著若桓溫傳後綴以孟嘉似傷忠厚且其傳語踈畧不稱嘉之爲人予故取陶元亮所撰孟府君傳庶幾大雅君子之德有所表見焉

鄆鄂考

按前漢書江夏郡統縣十四後漢書江夏郡統縣十二晉書江夏郡統縣七俱有鄆縣而無鄆蓋漢晉江夏郡置於今之雲夢縣北四十里非今之江夏縣也今江夏縣乃漢沙羨縣地亦屬江夏郡至三國吳時又分江夏置武昌郡統縣七始有陽新與鄆縣陽新卽析鄆之南境也以郡邑沿革考之鄆卽今武昌縣是陽新卽今興國州是而鄆則今之羅山縣地也其地與孝感相聯隔在漢江西北

相去甚遠。故嘉別傳云：江夏郢人曾祖父宗塋武昌陽新縣子孫家焉。遂爲縣人也。其說甚明。乃宋人惟知宗爲江夏人而不考宗爲江夏之郢人。遂稱江夏縣城東有霧竹院爲宗故宅。紹興間立祠以祀。一統志亦相沿。以宗爲江夏縣人。武昌縣志又引別傳訛郢爲鄂。以宗爲武昌縣人。俱誤甚。近雲間陸伯生撰廣輿記於孟嘉墓下注云：嘉嘗爲陽新令。卒塋此。尤可笑。古今不學無識之人。妄自撰著。如此類。何可勝數。

龍山考

按龍山在江陵縣西北十五里山勢綿延俗名嶺山其上有落帽臺錢希言龍山記云龍山蜿蜒如龍逕西北羣岡而來又東盡于落帽臺總之皆龍山也胡縑落帽臺記云萬年固佳士然所事非人風伯爲之免冠耳此亦可謂善譔



樂藹

樂藹字蔚遠南陽清陽人屬南晉尚書令廣之六世孫世居江陵其舅雍州刺史宗慤嘗陳罷物試諸甥藹時尚幼而所取惟書慤由此奇之又取史傳各一卷授藹等使讀畢言所記藹畧讀具舉慤益善之齊豫章王嶷爲荊州刺史以藹爲驃騎行叅軍嶷嘗問藹風土舊俗城隍基趾山川險易藹隨問立對若按圖牒嶷益重焉或譖藹解門如市嶷遣覘之方見藹閣閣讀書後爲大司馬中兵叅軍轉署記室永明八

年荊州刺史巴東王子響叛官曹文書一時蕩盡武  
帝引見譙問以西事譙上對詳敏帝悅用爲荊州治  
中、救付以修復府州事、譙還州繕修廨署數百區、頃  
之、咸畢、而役不及民、九年、豫章王、薨、薨、譙解官赴喪、  
率荊湘二牧、故吏、建碑墓所、南康王爲西中郎、以譙  
爲諮議叅軍、義師起、蕭穎、引譙及宗、史、劉、坦、任、以  
經、畧、大、監、初、累、遷、御史中丞、初、譙、發、江、陵、無、故、於、船、  
得、八、車、輻、如、中、丞、健、步、避、道、者、至、是、果、遷、焉、譙、性、公、  
疆、居、憲、臺、甚、稱、職、時、長、沙、宣、武、王、將、塋、忽、庫、中、火、欲、

推舉者。謂曰。昔晉武庫火。張華以爲積油久。灰必然。今庫若有灰。非吏罪也。旣而檢之。果有積灰。時稱其博物弘恕焉。二年。出爲廣州刺史。卒。官。謫。姪。適。徵。士。同。羈。劉。虬。亦。明。識。有。禮。訓。謫。爲。州。迎。姪。居。官。舍。參。分。祿。秩。西。土。稱。之。子。法。才。字。元。備。幼。與。弟。法。藏。俱。有。美。名。少。遊。京。師。造。沈。約。約。見。而。稱。之。天。監。初。累。官。至。尚。書。右。丞。出。爲。招。遠。將。軍。建。康。令。不。受。俸。秩。高。祖。嘉。其。清。節。曰。居。職。若。斯。可。以。爲。百。城。表。矣。遷。太。府。卿。尋。除。南。康。內。史。恥。以。讓。俸。受。名。辭。不。拜。後。爲。江。夏。太。守。便。

道還鄉割宅爲寺樓心物表云

聖楷曰武陵志有樂令園云譚爲武陵令時治園植桃李去後百姓愛之不忍剪伐因名按譚本傳未嘗爲武陵令也但遷龍陽相時齊豫章王疑爲武陵太守雅善譚爲政而後人遂因而訛傳之與龍縣志中如此類甚多皆當刪去